



**14-MAVZU: KASB TA'LIMI  
O'QITUVCHISINING  
METODIK  
ISHLARI**

## Reja:

1. O'qituvchining mustaqil metodik ishlar: o'z siyosiy ongini o'stirish, kasbi bo'yicha bilim va tajribani kengaytirish, ta'lim-tarbiya sohasidagi o'z bilim va mahoratini shakllantirish.
2. Kasb-hunar ta'limida metodik ishlarni tashkil qilish strukturasi
3. Metodik uyushmalar va ularning faoliyati
4. Ilg'or pedagogik tajribalarni o'rganish va ommalashtirish
5. O'qituvchining jamoaviy metodik ishlari: pedagogik ishlar, ochiq darslar va ularni o'tkazish

**Yakka tartibdagi** metodik ish butun o'quv yiliga tuzilgan reja bo'yicha olib boriladi. Unda o'qituvchi muhandis-pedagog o'z pedagog mahoratlarini va o'z bilimlarini chuqurlashtirish maqsadida yakka tartibdagi metodik topshiriqlar nazarda tutiladi. Ularga quyidagilar kiradi: pedagogik mavzular bo'yicha ma'ruzalar tayyorlash; o'quv dasturning eng qiyin mavzulari bo'yicha metodik ko'rsatmalar tuzish; anchagina mehnat qilinishi talab qilinadigan muammoli izlanish ishlarini belgilaydi. Bu topshiriqlar har bir pedagog uchun majburiy minimum hisoblanadi.

G'oyaviy-siyosiy  
saviyani oshirish

Pedagog  
mehnatini ilmiy  
asosda tashkil  
etish sohasidagi  
bilim va  
malakalarini  
takomillashtirish

Pedagogning  
ish rejasi  
bo'limlari

Metodik-  
pedagogik  
mahoratini  
takomillash  
tirish

O'qitilayotgan mehnat  
turi sohasidagi ilmiy-  
texnikaviy bilimlarni  
kengaytirish

*G'oyaviy-siyosiy saviyani oshirish* -  
materiallar ishlab chiqilayotganda hozirgi  
zamon hayoti va ishlab chiqarishni nazarda  
tutish kerak. Kasb ta'limi o'qituvchisi  
yoshlarga mehnat tarbiyasi va politexnik ta'lim  
berishning mohiyati ancha to'la yoritilgan  
asarlarni, prezident qarorlarining kasb-hunarga  
oid hujjatlarini tasniflanishi, siyosiy seminarlar  
va nazariy konferensiyalar ishida qatnashish,  
matbuot, radio, televidenie orqali hozirgi  
siyosat bilan tanishish va amaliy ishda  
qo'llash.

## *Metodik-pedagogik mahoratini*

*takomillashtirish* - tayyorlanadigan ma'ruzalar, ko'rsatmalar, tavsiyalarda o'quvchilar bilan bo'ladigan o'quv-tarbiyaviy ishlari shaklini mukammallashtirib borish nazarda tutiladi. Kasb ta'limi o'qituvchisining o'z ustida mustaqil ishlashi kasb-hunarga oid ilmiy jurnallar va asarlar bilan muntazam tanishib borishi, metodik mahoratida esa mashg'ulot olib borish sifatini takomillashtirib, bunda yangi metodik ko'rsatmalar tayyorlash, o'quvchilarning bilish faoliyatlarini faollashtirish masalasini yechish, ilg'or pedagogik tajribalarni esa boshqa o'qituvchilar orasida yoyishga yordam berishdir.

*Pedagog mehnatini ilmiy asosda tashkil etish sohasidagi bilim va malakalarini takomillashtirish* - kasb ta'limi darslarida amal qilinadigan hujjatlarini ilmiy asoslangan tarzda ishlab chiqish; o'quv ustaxonalarini zarur materiallar, asbob-uskunalar bilan muntazam ta'minlab turish tadbirlarini belgilash, ish joyini ilmiy asosda tashkil etish, ta'limning eng samarali ko'rsatmali va texnikaviy vositalaridan oqilona foydalanish yo'li bilan erishiladi.

O'quv va didaktik materiallarni tayyorlashda amaliyot o'qituvchisi chegaralangan vaqt va texnik imkoniyatlarni inobatga olgan holda e'tiborini quyidagilarga qaratishi lozim:

ish varaqalari, tarqatmalar (bosilgan matnlar nusxalari), slaydlar, doska tasvirlari uchun eskizlar;

yozma topshiriqlar, yozma va og'zaki testlar uchun so'rov qog'ozlari

baholash varag'i, nazorat qog'ozi

ish rejalari, tashkiliy hujjatlar



Talabalarga tarqatiladigan materiallar tarkibida quyidagi ma'lumotlar bo'lishi lozim:

- sodda tilda yozilgan o'quv matnlari
- matnlarda bo'sh qoldirilgan joylar (talabalar tomonidan to'ldirilishi uchun)
- talabaning erkin fikrlashiga imkoniyat beruvchi savollar
- ustaxonada ishlash uchun mo'ljallangan, ish bosqichlari ko'rsatilgan tushunarli chizmalar (eskizlar) va jadvallar
- material jihoz, asbob-uskunalar va yordamchi vositalar haqida ma'lumotlar.

### *Slaydlarni tayyorlash uchun:*

- oddiy atsetat qog'ozi yoki shaffof sun'iy qog'oz;
- nusxa olish mumkin bo'lgan maxsus qatlamli slaydlar;
- flamaster, permanent va suvda eruvchan slaydlarni tozalash uchun spirt;
- surat chizish moslamalari (shablon, chizg'ich va boshqalar)lar ishlatiladi.

### *Slaydlarni qo'lda tayyorlash uchun:*

- surat yoki matn qog'ozga eskizlanadi
- slaydni uning ustiga qo'yib, skrepka bilan mahkamlanadi
- namunadagi surat slaydga ko'chiriladi.

E'TIBORINGIZ

UCHUN

RAHMAT

